

PROJEKTNI ZADATAK

Smanjenje rizika od katastrofa i sigurnost djece na području Grada Tuzla

Zadatak: Smanjenje rizika od katastrofa i sigurnost djece na području Grada Tuzla putem edukacija, kreativnih radionica, pokaznih vježbi

Oblast: Smanjenje rizika od katastrofa i sigurnost djece u slučaju katastrofa (klizišta, poplave, zemljotresi, požari i sl.)

Ciljana grupa:

- učenici osam osnovnih škola sa područja Grada Tuzla: 90 učenika X 8 škola = 720 učenika na radionicama, i svi učenici iz osam škola na pokaznim vježbama
- nastavnici i osoblje osam škola X 1 trening/edukacija o smanjenju rizika od katastrofa i sigurnost djece

Trajanje aktivnosti : 6 mjeseci

Budžet: Ukupna vrijednost planiranih aktivnosti je 22.138,00 KM

SAŽETAK / OPIS aktivnosti

Cilj svih aktivnosti je educirati učenike i nastavnike u osam osnovnih škola sa područja Grada Tuzla kako smanjiti rizike od katastrofa (poplave, požari, klizišta i zemljotresi i sl.) i osigurati veću sigurnost građana, posebno djece, u slučaju navedenih katastrofa. U skladu sa procjenom rizika i ugroženosti od katastrofa na području Grada odabrati škole za učešće u predviđenim aktivnostima, imajući, posebno, u vidu činjenicu da djeca romske populacije, te djeca iz raseljenih porodica, žive u zoni visokog stepena rizika od katastrofa. Osnovne škole iz područja direktno rizičnih područja: Mejdan, Kreka, Slavinovići, Brčanska Malta, Simin Han, Kiseljak, Solina i Bukinje.

Po devedeset predstavnika/učenika iz svake od navedenih škola učestvovat će u radionicama na teme poplava, požara, klizišta i zemljotresa i sl. gdje će steći osnovna znanja o tome koji rizici prijete u slučaju navedenih katastrofa, na koji način se ponašati i osigurati sebe i svoje bližnje te spriječiti širenje katastrofe. Svi učenici navedenih škola proći će praktične vježbe spasavanja u slučaju katastrofa. Učenici će takođe učestvovati i u likovnom takmičenju gdje će kroz likovne radove iskazati lekcije naučene kroz proces edukacija. Najbolji radovi i učenici bit će nagrađeni.

Takođe, predstavnici nastavnog osoblja škola učestvovat će u treningu/edukaciji o smanjenju rizika od katastrofa, i dalje će stečena znanja prenijeti na osoblje i učenike škola kroz sastanke nastavničkog vijeća i časove razredne zajednice.

Navedenim edukacijama prethodit će trening za trenere/edukatore, mlade osobe koji su aktivni volonteri i treneri u organizacijama civilnog društva, ove mlade osobe vodit će radionice za učenike osam navedenih osnovnih škola.

Vrijednost projekta je 22.138,00 KM.

CILJNA GRUPA

Projekat će obuhvatiti 1118 direktnih učesnika, i to:

- 720 učenika iz osam osnovnih škola (90 učenika po školi) sa područja Grada Tuzla kroz edukativne i kreativne radionice
- 1000 učenika iz osam osnovnih škola sa područja Grada Tuzla kroz pokazne/praktične vježbe
- 12 mladih trenera koji će voditi edukativne i kreativne radionice za djecu
- 16 nastavnika/uposlenika škola kroz trening o smanjenju rizika od katastrofa i sigurnost djece

Kada su u pitanju indirektni učesnici, svim osnovnim školama sa područja Grada (24 osnovne škole) predvidjeti izradu i dodjelu paketa materijala za edukaciju osoblja i učenika. Materijali će sadržavati

upute i savjete za ponašanje u slučaju katastrofa, koji će biti prezentovani osoblju i učenicima u svih 24 osnovne škole.

CILJEVI projektnog zadatka:

1. Umrežavanjem lokalnih resursa stvoriti uslove za obrazovanje djece i nastavnika u osnovnim školama na temu smanjenja rizika od katastrofa i sigurnosti djece.
2. Povećati znanja i kapacitete iz oblasti sigurnosti u slučaju katastrofa kod najmanje 32 nastavnika/osoblja škola.
3. Povećati znanja i vještine najmanje 700 djece iz osam osnovnih škola uz praktične savjete i alate za reagovanje u slučaju katastrofa.
4. Implementirati praktične/pokazne vježbe za najmanje 1000 učenika u osnovnim školama Grada Tuzla.
5. Distribuisati radne materijale i letke u 24 osnovne škole na području Grada, u cilju podizanja svijesti o sigurnosti i reagovanju u slučaju katastrofa

OČEKIVANI REZULTATI

1. Umrežavanjem resursa u zajednici stvoreni su uslovi za obrazovanje djece i nastavnika u osnovnim školama na temu smanjenja rizika od katastrofa i sigurnosti djece.
2. 32 nastavnika/člana osoblja osnovnih škola stekli su vještine i znanja iz oblasti smanjenja rizika od/u slučaju katastrofa i sigurnost djece, i spremni su ih disimilirati u školama u kojima rade.
3. 700 djece iz osnovnih škola sa područja Grada Tuzla stekli su vještine i znanja, te alate za reagovanje u slučaju katastrofa.
4. 1000 učenika iz osnovnih škola sa područja Grada Tuzla prošli su kroz pokazne/praktične vježbe i stekli su praktična znanja i vještine za reagovanje u slučaju katastrofa.
5. Radni materijali, poster i leci distribuisani su u 24 osnovne škole na području Grada, i 3000 učenika dobili su upute za reagovanje u slučaju katastrofa.
6. Među učenicima, nastavnicima i osobljem škola podignuta je svijest o važnosti provođenja preventivnih mjera zaštite i spašavanja, te o važnosti edukovanja kadra i učenika o smanjenju rizika od katastrofa i sigurnosti.

AKTIVNOSTI

Pripremne aktivnosti

Komunikacija sa Ministarstvom obrazovanja i nauke TK i Pedagoškim zavodom TK

U cilju pripreme projektnih aktivnosti, prvi korak jeste kontaktiranje Ministarstva obrazovanja i nauke i Pedagoškog zavoda TK, kako bi se obezbijedila dozvola za implemetaciju edukativnih i kreativnih radionica u osam osnovnih škola na području Grada Tuzla.

Komunikacija sa školama

Naredni korak jeste komunikacija sa menadžmentom (direktor i pedagog) osam osnovnih škola (Mejdan, Kreka, Slavinovići, Simin Han, Kiseljak, Solina, Brčanaska Malta i Bukinje), u cilju konkretnih i praktičnih dogovora o realizaciji radionica: određivanje datuma i termina rada, organizacija prostora i učenika, ostala tehnička pitanja. Sa školama će biti dogovoreni i termini održavanja pokaznih vježbi.

Priprema treninga za trenere/edukatore

Predstavnici Službe civilne zaštite radit će na pripremi treninga za mlade edukatore/trenere, koji će biti voditelji radionica u školama. Tema treninga jeste informisanje učesnika o stanju na terenu kada su u pitanju prijetnje i rizici od katastrofa, načini za reagovanje u slučaju nastanka katastrofa, prevencija širenja posljedica katastrofa i upute za očuvanje sigurnosti građana, posebno djece. Istovremeno,

odabrani izvođač projekta, radit će na pripremi daljnjih treninga, kao i na realizaciju edukativnih i kreativnih radionica u školama. Učesnici će dobiti materijale i jasne upute za pripremu i realizaciju navedenih radionica. Ovo podrazumijeva da i same radionice i njihovi sadržaji treba da budu spremni prije realizacije treninga za trenere/edukatore.

Priprema pokaznih vježbi

Služba civilne zaštite će, u komunikaciji i saradnji sa odabranim izvođačem izraditi plan rada, u skladu sa datumima dogovorenim u školama.

Trening za edukatore/trenere

Realizovati će se treninzi za dvanaest mladih predstavnika organizacija civilnog društva, koji će kao obučeni voditelji realizovati edukativne i kreativne aktivnosti za djecu, u trajanju od mjesec dana.

Eduikatorima će biti prezentovan konkretan plan radionica, sa detaljnim opisima i koracima za realizaciju svake aktivnosti: priprema radionice i prostora, nabavka i zaduživanje materijala, realizacija radionice, pospremanje prostora, komunikacija sa učesnicima, izvještavanje, razduživanje, itd.

Radionice za djecu

Radionice koje će treneri/edukatori isporučiti u školama sačinjenje su iz dva dijela: edukativne i kreativne radionice. Edukativne radionice imaju za cilj da djeci pruže informacije o tome koje mjere je potrebno preduzeti u slučaju katastrofa, kako zaštititi sebe i druge, kako pomoći sebi i drugima.

Radionice su kreirane da podstiču učešće djece, kritičko razmišljanje, utvrđivanje postojećih i usvajanje novih znanja, te praktičnu primjenu naučenog u stvarnom životu. Primjenjivat će se interaktivne metode, logičke i igrice za jačanje timskog duha, te grupni rad, kao i prezentacija novih sadržaja kroz nastavne metode koje učenika stavljaju u centar procesa učenja, dok će treneri djelovati kao facilitatori procesa.

Kreativne radionice su vrijeme kada djeca imaju priliku da kroz crtež prikažu ono što su naučili. Sve materijale za aktivnost obezbjeđuje projekat, tako da će djeca bez ikakve pripreme imati priliku da izraze svoje viđenje navedene teme kroz likovni crtež.

Plan radionica:

U jednoj školi radi se u TRI grupe uporedo. Grupa jedan su djeca I-III razreda, grupa dva djeca IV-VI razreda i grupa tri su učenici VII-IX razreda. Jednu grupu čine predstavnici više odjeljenja, a grupa broji 30 učenika, što po školi broji 90 djece. Sa svakom grupom radi se po 2h i 15 minuta. Prvi sat je edukativna radionica prilikom koje učenici na interaktivan način dobiju informacije o zaštiti i prevenciji katastrofa i posljedica. Potom slijedi pauza od 10 min, i zatim učenici izražavaju kroz likovni rad ono što su naučili. Učesnici treba da napišu ime, prezime, naziv škole, razred i telefon na poleđini. Voditelji na kraju radionice preuzimaju sve radove i kako bi ih predali komisiji na ocjenjivanje.

Nakon implementacije svih radionica, komisija bira najbolje radove u kategorijama po razredima, za prva tri mjesta. Najboljim učesnicima bit će dodijeljene nagrade. Komisiju će činiti pet osoba, od toga jedan predstavnik Službe civilne zaštite, te predstavnici organizacija civilnog društva koje su uključene u projekt. Komisija će biti definisana od strane radne grupe tokom realizacije projekta.

Trening za predstavnike škola

Po dvoje predstavnika iz osam osnovnih škola uključenih u projekat učestvovat će u treningu, tokom kojeg će im biti prenesena znanja i vještine o smanjenju rizika od katastrofa i sigurnosti građana, posebno djece i djece u školama. Obaveza učesnika treninga jeste da stečena znanja i vještine prenesu kolektivima škola putem sastanaka nastavničkog vijeća, a kompletan nastavni kadar dalje prenijeti informacije putem časova odjeljenjske zajednice. Kako bi sve škole dobile tačne i jednake informacije, bit će im uručeno sljedeće: USB stik sa materijalima, prezentacijama i video uputama koje se tiču smanjenja rizika od katastrofa, letke za sve učenike škola koji se sadržavati listu brojeva telefona za hitne situacije i kratke upute za djelovanje u slučaju katastrofa, postere koji treba da budu postavljeni na vidna mjesta u

školama sa informacijama koje sadži i letak. Ukupan broj škola kojima će biti uručeni navedeni paket materijala jeste 24.

Pokazne vježbe

U saradnji i angažovanjem: raspoloživih resursa Službe CZ Grada Tuzla, službe hitne pomoći, CKK grada Tuzla i drugih stručnih lica i formalnih organizacija.

Završni događaj

Prvi korak jeste formiranje komisije koja će ocijeniti radove učenika i odabrati najbolje radove. Odabir se vrši u tri kategorije: prva su crteži djece od I do III razreda, druga za radove djece od IV do VI razreda, i posljednja kategorija su radovi djece od VII do IX razreda. U okviru svake kategorije bit će odabrana tri najbolja crteža/likovna rada koji osvajaju prvo, drugo i treće mjesto.

Komisija i kordinator projekta donose odluku o tome koje nagrade će učenici primiti, i u skladu sa odlukom odabrani izvođač projekta vrši nabavku nagrada.

Naredni korak jeste organizacija događaja gdje će biti izloženi dječji radovi nastali na radionicama, te će biti proglašeni oni najbolji kojima će biti uručene nagrade.

Završni događaj će se održati na lokaciji u centru grada, koju će dogovoriti radna grupa.

Promocija

Promotivne aktivnosti uključuju najave događaja koje kordinator dostavlja lokalnim medijima.

Dodatno, promotivni materijali sa edukativnim sadržajem će biti podijeljeni školama na području Grada u vidu letaka i vidu postera. Leci će biti uručeni svakom učeniku pojedinačno, dok će poster biti izloženi na oglasnim pločama i istaknutim mjestima u školama, ali i prostorijama prganizacija ukljuečnih u projekt.

Izvještavanje

Implementator projekta će po završetku implementacije aktivnosti podnijeti finansijski i narativni izvještaj Službi civilne zaštite Grada Tuzla/Štabu civilne zaštite.

TRAJANJE PROJEKTA

Projekt će biti implementiran u vremenu od 6 mjeseci.

BUDŽET Ukupna vrijednost projekta je 22.138,00 KM.

SLUŽBA CIVILNE ZAŠTITE GRADA TUZLE

